

कन्यानयमहावीरकल्पपरिशेषः ।

९५

५१. कन्यानयमहावीरकल्पपरिशेषः ।

अह विज्ञातिलयमुणी आपसा संघतिलयसूरीण । परिसेसलवं जंपइ कंनानयवीरकप्पस्स ॥ १ ॥

तहा हि—भट्टारया सिरिजिणप्पहसूरिणो सिरिदुलतावादनयरे साहु पेथड—साहु सहजा—४० अच-
लकारिअचेइआणं तुरुक्केहि^१ कीरमाणं भंगं फुरमाणदंसणपुबं निवारित्ता, सिरिजिणसासणपभावणातिसयं कुणंता,
पाडिच्छगाणं सिद्धंतवायणं दिंता, तवस्सीणं अंगाणंगपविद्वागमतवाइं कारिंता, विणेयाणं अवरगच्छय^२मुणीणं पि ५
पमाण-वागरण-कव-नाडयालंकाराइं सत्थाइं भणंता, उब्भडवायभडवायाणं वाइविंदाणं अणप्पदप्पमवहरंता, सावसेसं
वच्छरतिगमइक्कमंति ।

इओ अ सिरिजोगिणिपुरे सिरिमहम्मदसाहिसगाहिराओ कहिंचि अवसरे पत्थुआए पंडिअगुट्ठीए
सत्थवियारसंसयमावन्नो सुमरेइ गुरुणं गुणे; भणइ अ—जइ ते भट्टारया संपयं मह सहालंकरणं हुंता ता मज्झ मणोगय-
समत्थसंसयसल्लुद्धरणे हेलाए खमंता । नूणं विहप्पई^३ तब्बुद्धिपराजिओ चेव भूमिमुज्झिअ सुन्नं गयणदेसमल्लीणो । १०
इत्थं गुरुणं भूवइकिज्जमाणगुणवन्नणावइअरे, अवसरन्नू तक्कालं^४ दुलतावादादागओ ताजलमलिको †भूमि-
अलमिलिअभालवट्ठो विन्नवेइ—महाराय ! संति ते तत्थ महप्पाणो । परं तन्नयरनीरमसहमाणा किसिअंगा गाढं वट्ठंति ।
तओ संभरिअगुरुगुणपब्भारेण भूमिनाहेण सो चेव मीरो आइट्ठो†—ओ मल्लिक ! सिग्घं गंतूण दुवीरखाने लिहावेसु फुर-
माणं । पेसेसु तत्थ । जहा तारिससामग्गीए चेव भट्टारया पुण इत्थं इति । तओ तेण तहेव कए, पेसिअं फुरमाणं ।
कमेण पत्तं सिरिदुलतावाद्दीवाणे । भणियं च सविणयं नयरनायगेणं सिरिकुतुलखानेण भट्टारयाणं सिरिपात- १५
साहिफुरमाणागमणं ढिल्लीपुरं पइ पत्थाणं चाइट्ठं । तओ दिणदसगम्भंतरे सन्नहिऊण जिट्ठसिअबारसीए रायजोगे
संघसत्थिअपरिसाए अणुगम्ममाणा पत्थिआ महयाविच्छड्डेणं गुरुणो । कमेण ठाणे ठाणे महुसवसयाइं पाउब्भावयंता,
विसमदूसमादप्पं दलंता, सयलंतरालजणवयजणनयणकोऊहल्लमुप्पाअयंता, धम्मट्ठाणाइं उद्धरंता, दूरओ उक्कंठाविसं-
दुलसमागच्छंतआयरियवग्गेहिं वंदिज्जमाणा, पत्ता रायभूमिमंडणं सिरिअल्लावपुरदुगं । तओ तत्तारिसपभावणा-
पगरिसासहिण्हुमिलक्खुकयं विप्पडिवत्तिं मुणिऊण, ताणं चेव गुरुणं सीसुत्तमेहिं रायसभामंडणेहिं गुरुगुणालंकिअ- २०
देहेहिं सिरिजिणदेवसूरीहिं विन्नत्तेण भूवइणा सम्भुहं पविद्वाविण्ण सबहुमाणं फुरमाणेण मलिकपच्चप्पिअ-
सयलसत्थिअवत्थुणो विसेसओ जिणसासणं पभावयंता, सड्डं मासं अच्छिअ, पत्थिआ अल्लावपुराओ । पुणो वि-
धरणीनाहेण सिरिसिरोहमहानयरे संमुहपेसिअमसिणसिणिद्धदेवदूसप्पायवत्थदसगेण अलंकरिआ, जाव हम्मीरवीर-
रायहाणीपरिसरदेसेसु संपत्ता ।

इओ चिरोवचिअभत्तिराएण अभिमुहमागएहिं दंसणनिमित्तओ वि अमयकुंडण्हाएहिं व धन्नमप्पाणं मन्नमा- २५
णेहिं आयरियजइसंघसावयविदेहिं परिअरिआ भइवयसीअबीआए जाया रायसभामंडणं जुगप्पहाणा । तक्खणं
आणंदभरनिब्भरेहिं नयणेहिं अब्भुत्थाणमिवायरंतेण सिरिमहम्मदपातसाहिणा पुच्छिआ कोमलगिराए
कुसलपउत्तिं । चुंबिओ अ ससिणेहं गुरुणं करो धरणिआएण; धरिओ अ हिअए अचंतादरपरेण । गुरुहिं पि तक्का-
लकविअअहिनवासीवयणदाणेण चमक्कारिअं नरेसरमाणसं । पेसिआ य महामहसारं विसालसालं पोसहसालं । आइट्ठा
य महीनाहेण गुरुणं सह गमणाय पहाणपुरिसा हिंदुअरायाणो, सिरिदीनारपमुहा महामलिक्का य । पणमंति सयसा- ३०
हस्सा चिरुक्कंठाआ सावयलोआ । मिलिआ य चिरदंसणलालसा नायरलोआ । संगया य कोऊहलेणं पगइजाणवयजणा ।
तओ वंदिविदेहिं भोगावलीहिं शुवंता, भूवालप्पसाइअभूरिभेरीवेणुवीणामहल्लमुइंगपडुपडहजमलसंखभुंगलाइ^४विउलवाइ-
अरवेणं दिअंतरालं मुहलं विणिम्मविंता, विप्पवग्गेहिं वेअज्जुणीहिं थुणिज्जंता, गंधवेहिं सूहवाहिं अ गाइज्जमाणमंगला, पत्ता

१ Pa C तुरुक्केहिं २ Pa अवरगच्छमु° । ३ B तक्काले । † एतदन्तर्गता पंक्तिः पतिता Pa आदर्शे । ४ Pa भुंगला°; C भुगला° ।

९६

विविधतीर्थकल्पे

तक्कालं सिरिसुरताणसराइपोसहसालं । कया य वद्धावणयमहूसवा संघपुरिसेहिं । वाइओ अ भद्वयसिअतइआदिणे सयलसंघकारिअमहूसवसारं सिरिपज्जोसवणाकप्पो । पत्ता य ठाणे ठाणे आगमणप्पभावणालेहा । रंजिआ सयलदेससंघा । मोइआ अणेगे रायबंदिबद्धा रायदिज्जसयसाहस्सा सावया । इअरलोगा य करुणाए उम्मोइआ काराहिंतो । दिन्ना दाविआ य अपइट्ठाणं पइट्ठा । कया य काराविआ य अणेगसो जिणधम्मप्पभावणा ।

- 5 एवं णिच्चं रायसभागमणपंडिअवाइअविंदविजयपुबं पभावणाए पयट्ठमाणाए, कमेण वासारत्तचउमासीए वइकं-ताए, अन्नया फग्गुणमासे दउलतावादाओ आगच्छंतीए मगदूमई जहां^१ नामधिज्जाए निअजणणीए संमुहं पट्ठिएण चउरंगचमूसमूहसन्नद्धेण सुरत्ताणेण अब्भत्थणापुरस्सरं चालिआ गुरुणो अप्पणा समं । वडथूणठाणे भिट्ठिआ जणणी । महाराएण दिन्नं सब्बेसिं महादाणं । परिधाविआ सब्बे पहाणकवाइ^२वत्थाइं । कमेण पत्तो महूसवमइं रायहारिं । सम्माणिआ गुरुणो वत्थकप्पूराइहिं । तओ चित्तसिअदुवाल्सीए रायजोगे महारायाणमापुच्छिअ पातसाहिदत्तसाइबा-
10 ण^३छायाए कया नंदी । तत्थ दिक्खिआ पंच सीसा । मालारोवण-संमत्तारोवणाइणि अ धम्मकिच्चाइं कयाणि । विच्चिअं वित्तं थिरदेवनंदणेण ठ० मद्देन । आसाढसुद्धदसमीए अ पइट्ठिआणि अहिणवकारिआणि तेरस बिंबाणि, महावित्थरेण । तत्थ विच्चिअं बिंबकारावएहिं बहुअं वित्तं । विसेसओ साहुमहारायतणएण अजयदेवेण त्ति ।

- तहा अन्नया नरिंदेण दूरओ निच्चं समागमणे गुरुणं कट्ठं ति चित्तिऊण पदिन्ना सयमेव निअपासायपासे सोहंतभवणराइं अभिणवसरारिं; आइट्ठा य वसिउं तत्थ सावयसंघा । ‘भट्टारयसराइ’ त्ति कयं से सयं नरिंदेण
15 नामं । कारिओ तत्थेव वीरविहारो पोसहसाला य पातसाहिणा । तओ तेरसयनवासिअवरिसे आसाढकिण्हसत्त-मीए सुमह^४(मुहु)त्ते महीवइसमाइट्ठगीयनट्ठवाइअसंपदाए पयडिज्जमाणअमाणमहूसवसारं, सयं नरिंदेण दाविज्जमाण-मंगलं, पविट्ठा पोसहसालं भट्टारया । संतोसिआ पीइदाणेणं विउसा । उद्धरिआ दाणेणं दीणाणाहाइलोआ ।

- चालिआ पुणऽन्नया मगसिरमासे पुबदिसजयजत्तापत्थिएण अप्पणा सह नरिंदेण । कारिआ ठाणे ठाणे बंदि-मोअणाइणा जिणधम्मप्पभावणा । उद्धरिअं सिरिमहुरातित्थं । संतोसिआ दाणाइहिं दिअवराइणो । निच्चं पवासूणं
20 खंधावारे कट्ठं ति मन्नमाणेण महीनाहेण खोजे जहांमलिकेण सद्धिं आगरानगराओ पडिपेसिआ रायहारिं पइ सच्चपइन्ना गुरुणो । गहिऊण सिरिहत्थिणाउरजत्ताफुरमाणं समागया निअट्ठाणे मुणिवइणो । तओ मेलिऊण चउबिहं संघं काऊण य पुत्तं ^५चाहडसहिस्स साहुबोहित्थस्स संघवइत्तित्तियं । पट्ठिआ सुमुहुत्ते सायरियाइपरिवारा सिरिहत्थिणाउरजत्तं गुरुणो । विहिआ ठाणे ठाणे संघवइबोहित्थेण महूसवा । संपत्ता तित्थभूमिं, कयं च वद्धावणयं । ठाविआणि तत्थ गुरूहिं अहिणवकारिअपइट्ठिआणि सिरिसंति-कुंथु-अरजिणबिंबाणि, अंबिआपडिमा

- 25 य चेइअट्ठाणेषु । कया य संघवच्छल्लाइमहूसवा संघवइणा संघेण य । पूइआ वत्थभोअणतंबोलाईहिं वणीमगसत्था । आगयमित्तेहिं जत्ताओ गुरूहिं वइसाहसुद्धदसमीदिणे तं चेव दूरीकयसयलदुरिअडिंबं^६ सिरिमहावीरबिंबं ठाविअं महूसवसारं, साहिरायकारिअविहारे, तहेव पूइज्जइ संघेण । विसेसओ दिसिजत्ताओ समागए महाराए पवट्ठंति ऊसवा चेइयवसहीसु । संमाणेइ गुरुणो उत्तरोत्तरमाणदाणेण सिरिसबभोमो । वज्जंति पइदिसं सूरिसबभूमाणं पभावणा-सारा जसपडहा । विहरंति निरुवसगं^७ सबदेसेसु सेअंबरा दिअंबरा य रायाहिरायदिन्नफुरमाणहत्था । खरतरगच्छा-

- 30 लंकारगुरूपसायाओ सगसिन्नपरिभूए वि दिसिचक्के कयाइं गुरूहिं फुरमाणगहणेण ^८अकुदोभयाइं सिरिसित्तुज्जगि-रिनार-फलवट्ठिप्पमुहत्तित्थाइं । उज्जोइआ इच्चाइकिच्चेहिं सिरिपालित्तय-मल्लवाइ-सिद्धसेणदिवायर-हरिभदसूरि-हेमचंदसूरिप्पमुहा पुबपुरिसा । किं बहुणा सूरिचक्रवट्ठीणं गुणेहिं आवज्जिअस्स नरिंदस्स पयडा एव पयट्ठंति सयलधम्मकज्जारंभा । वाइज्जंति पइ पच्चूं^९ चेइअवसहीसु जमलसंखा । किज्जंति धम्मिअहिं वीरविहारे वज्जंतगुहिरमइलमुइंगमुगलतालपिक्खणयसारं महापूआओ । वासिंति सिरिमहावीरपुरओ भविअलोअउग्गाहिज्जमाण-

1 Pa मगदूमई जहा; D मगदूमई जहा । 2 C ^१कवावत्थाइं । 3 Pa सायबाण^०; C ^२साइबाणसालयाए । 4 C बाहड-सहस्स । 5 C विडिंबं । 6 B ^०सग्गा । 7 Pa अकुतो^० ।

कप्पूरागुरुपरिमलुगारा दिसिचक्रं । संचरंति हिंदुअरज्जे इव, दूसमसूसमाए इव, अणज्जरज्जे वि दूसमाए जिणसासण-
 प्पभावणापरायणा सिच्छाए मुणिणो । किं च, लुढंति गुरूणं पायवीढे किंकरा इव पंचदंसणिणो सपरिवारा । पडि-
 च्छंति पडिच्छगा इव गुरुवयणं । सेवंति अ निरंतरं दारदेसट्ठिआ गुरुदंसणूसुगा इह-परलोअकज्जत्थिणो परत्तित्थिणो ।
 निवअब्भत्थणाओ गच्छंति निच्चं रायसभाए गुरुणो । मोआर्विति बंदिवग्गं । उप्पायंति जिणुत्ताणुसारिजुत्तिजुत्तवय-
 णेहिं निरंतरं रायमणे कोउहल्लं । महल्लचरिआ सुचारित्तिणो पवट्ठंति पए पए पभावणं । गंगोदयसच्छचित्ता धव- 5
 लित्ति निअजसचंदिमाएहिं अंतरालाहं । उज्जीवित्ति वयणामएहिं जीवलोगं । सदंसणिणो परदंसणिणो अ वहंति सिर-
 ट्ठिअं¹ आणं समग्गवावारेसु । वक्खाणित्ति अणन्नासाहारणभंगीए स-परसिद्धंतं जुगप्पहाणा । एआरिसा पभावणापग-
 रिसा, पयडं चेव परिभाविज्जमाणा, निच्चं पि वट्ठमाणा कित्तिअमित्ता अप्पमईहिं कहेउं सक्का । केवलं जीवंतु वच्छर-
 कोडीओ; पभावयंतु सिरिजिणसासणं सुचिरं इमे सूरिवरा ।

सिरिजिणपहसूरीणं गुणलेसथुई पभावणं ति । परिसेसे परिकहिआ कन्नाणयवीरकप्पस्स ॥ १ ॥ 10

॥ इति कन्यानयश्रीमहावीरकल्पपरिशेषः ॥

॥ अं० १०८ ॥

1 B सिरिट्ठिअं । 2 Pa कुल्यपाद° ।
 वि० क० १३